



## O'ZBEKISTON RESPUBLIKASI VAZIRLAR MAHKAMASINING QARORI

20 22 yil « 26 » mart

№ 136

Toshkent sh.

### **Айдар-Арнасой кўллар тизими бошқарувини ташкил этишнинг қўшимча чора-тадбирлари тўғрисида**

Ўзбекистон Республикаси Президентининг “Айдар-Арнасой кўллар тизими бошқарувини такомиллаштириш чора-тадбирлари тўғрисида” 2022 йил 22 февралдаги ПҚ–141-сон қарори ижросини таъминлаш, шунингдек, Айдар-Арнасой кўллар тизимидан самарали фойдаланиш, экологик ҳолатни яхшилаш, аҳолининг балиқ ва балиқ маҳсулотларига бўлган эҳтиёжини кондириш, ҳудудда ҳайвонот ва ўсимлик дунёси муҳофазасини кучайтириш, туризм салоҳиятидан тизимли фойдаланишни ташкил этиш мақсадида Вазирлар Маҳкамаси **қарор қилади:**

1. Ўзбекистон Республикаси Президентининг “Айдар-Арнасой кўллар тизими бошқарувини такомиллаштириш чора-тадбирлари тўғрисида” 2022 йил 22 февралдаги ПҚ–141-сон қарорига мувофиқ Ўзбекистон Республикаси Давлат солиқ қўмитаси ҳузуридаги “Айдар-Арнасой кўллар тизими дирекцияси” давлат унитар корхонаси Сув хўжалиги вазирлиги муассислигидаги “Айдар-Арнасой кўллар тизими” масъулияти чекланган жамияти (кейинги ўринларда – “Айдар-Арнасой кўллар тизими” МЧЖ) сифатида қайта ташкил этилганлиги ҳамда унинг асосий вазифалари ва фаолият йўналишлари белгиланганлиги маълумот учун қабул қилинсин.

2. Қуйидагилар:

Айдар-Арнасой кўллар тизимидан фойдаланишни тубдан такомиллаштириш бўйича “йўл харитаси” 1-иловага мувофиқ;

“Айдар-Арнасой кўллар тизими” масъулияти чекланган жамиятининг моддий-техник базасини шакллантириш учун сотиб олинadиган моддий-техника воситаларининг рўйхати 2-иловага мувофиқ тасдиқлансин.

Белгилансинки, Ўзбекистон Республикаси Сув хўжалиги вазирлиги тизимидаги “Арнасой” сув омборининг барча бино ва гидротехника иншоотлари ҳамда штат бирликлари Жиззах вилояти сув омборларидан фойдаланиш бошқармасида ўзгартиришсиз қолдирилади.

3. Ўзбекистон Республикаси Давлат солиқ кўмитаси ҳузуридаги Кадастр агентлиги “Айдар-Арнасой кўллар тизими” МЧЖ маблағлари ҳисобидан ҳар йили 1 декабрга қадар шартнома асосида Айдар-Арнасой кўллар тизимининг (кейинги ўринларда – кўллар тизими) сув ҳавзасини, сувни муҳофаза қилиш зонаси ва соҳил бўйи минтақалари чегараларини хатловдан ўтказиб борсин.

4. Ўзбекистон Республикаси Экология ва атроф муҳитни муҳофаза қилиш давлат кўмитаси, Инновацион ривожланиш вазирлиги:

келажакда Сирдарё ҳавзасида сув ресурслари ҳажмининг камайиш эҳтимолини ҳисобга олган ҳолда, кўллар тизимининг қисқа ва узоқ муддатли истиқболда сув ҳажми ва экологик ҳолатини моделлаштириш ҳамда амалга оширилиши лозим бўлган тадбирлар бўйича илмий-тадқиқот лойиҳасини амалга оширсин;

кўллар тизимида балиқчилик, ҳайвонот ва ўсимлик дунёсини кўпайтириш бўйича илмий-тадқиқот ишларини амалга ошириш учун 2022 йилдан бошлаб лойиҳалар танловини эълон қилиб борсин;

Сув хўжалиги вазирлиги, Жиззах вилояти ҳокимлиги ва Сирдарё вилояти ҳокимлиги билан биргаликда уч ой муддатда кўллар тизимида қўйиладиган коллектор-дренаж сувларидан самарали фойдаланиш ва уларнинг зарарли таъсирини камайтириш бўйича Исроил ҳамда араб давлатларининг тажрибасини ўрганган ҳолда, илмий асосланган таклиф киритсин;

Сув хўжалиги вазирлиги билан биргаликда 2022 йил 1 июнга қадар кўллар тизимида экологик мувозанатни сақлаш бўйича 2030 йилгача мўлжалланган дастур ишлаб чиқсин ва тасдиқласин.

5. Жиззах вилояти ҳокимлиги, Навоий вилояти ҳокимлиги, Ўрмон хўжалиги давлат кўмитаси, Экология ва атроф муҳитни муҳофаза қилиш давлат кўмитаси:

кўллар тизимида туташ ҳудудларда жойлашган давлат захирасидаги ер майдонларини ўрмон хўжаликларига ажратиб бериш;

Оролбўйи ҳудудларини ўрмонлаштириш бўйича тажрибалардан келиб чиққан ҳолда, 2022–2023 йилларда 500 гектар майдонда чўл ўсимликларидан ҳимоя ўрмонзонларни барпо этиш чораларини кўрсин.

6. Айдар-Арнасой кўллар тизимидан самарали фойдаланиш, экологик ҳолатни яхшилаш, сув сатҳини барқарор сақлаш, сув билан таъминлаш ва шўрланиш даражасини камайтириш бўйича республика ишчи гуруҳининг таркиби 3-иловага мувофиқ тасдиқлансин.

Ишчи гуруҳ (Ш.М. Ғаниев):

ҳар йили баҳор ва куз ойларида кўллар тизими билан боғлиқ экологик ҳолатни жойига чиққан ҳолда ўрганиб, унинг салбий оқибатларини таҳлил қилиш ва олдини олиш бўйича таклиф киритсин;

мазкур қарорнинг бажарилишини тизимли назорат қилсин ҳамда масъул вазирлик ва идоралар томонидан амалга оширилган ишларни ҳар чорак якуни бўйича таҳлил қилган ҳолда Вазирлар Маҳкамасига ахборот киритиб борсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ш.М.Ғаниев ҳамда Ўзбекистон Республикаси сув хўжалиги вазири Ш.Р.Хамраев зиммасига юклансин.

**Ўзбекистон Республикасининг  
Бош вазири**



**А. Арипов**

**Айдар-Арнасой кўллار тизимидан фойдаланишни тубдан такомиллаштириш бўйича  
“ЙЎЛ ХАРИТАСИ”**

Т/р	Тадбирлар номи	Амалга ошириш механизми	Ижро муддати	Масъул ижрочилар
<b>I. Айдар-Арнасой кўллар тизимида экологик мухит ёмонлашувининг олдини олиш</b>				
1	Айдар-Арнасой кўллар тизими (кейинги ўринларда – кўллар тизими) қўйиладиган коллектор-дренаж сувларидан самарали фойдаланиш ва уларнинг зарарли таъсирини камайтириш бўйича Исроил ҳамда араб давлатларининг тажрибасини ўрганган ҳолда илмий асосланган таклиф тайёрлаш ва Вазирлар Маҳкамасига киритиш.	Таклиф	2022 йил июль	Экология ва агроф мухитни муҳофаза қилиш давлат қўмитаси, Инновацион ривожланиш вазирлиги, Сув хўжалиги вазирлиги, Жиззах вилояти ҳокимлиги, Сирдарё вилояти ҳокимлиги
2	Кўллар тизимига туташ ҳудудларда чўл ўсимликларидан химоя ўрмонзорлари барпо этиш мумкин бўлган ер майдонларини аниқлаш ва белгиланган тартибда ўрмон фонди ерлари тоифасига ўтказиш чораларини кўриш, бунда: ишлаб чиқилган лойиҳа-смета ҳужжатларига асосан маблағларни маҳаллий бюджетларда назарда тутиш ва белгиланган муддатларда ажратиб бориш; Жиззах ва Навоий вилоятларининг кўллар тизимига туташ ҳудудларнинг ўрмон фонди ерлари тоифасига	Чора-тадбирлар дастури	2022–2023 йиллар давомида	Жиззах вилояти ҳокимлиги, Навоий вилояти ҳокимлиги, Ўрмон хўжалиги давлат қўмитаси

Т/р	Тадбирлар номи	Амалга ошириш механизми	Ижро муддати	Масъул ижрочилар
3	<p>Ўтказилган ерларнинг 500 гектарда чўл ўсимликларидан ҳимоя ўрмонзорларини барпо этиш.</p> <p>Жиззах бош коллектори ва Марказий Мирзаҷўл коллектorigа ифлосланган оқова сув ташловчи потенциал манбаларни аниқлаш.</p> <p>Жиззах ва Гулистон шаҳарлари коммунал хўжалик ва саноат ташкилотига ҳосил бўлаётган оқова сувлар сифатининг белгиланган норматив талабларга мувофиқлиги юзасидан мониторинг ўтказиш.</p>	Ташкилий тадбирлар	2022 йил май Даврий равишда	Экология ва атроф муҳитни муҳофаза қилиш давлат кўмитаси, Сув хўжалиги вазирлиги, “Ўзсувтаъминот” АЖ
4	<p>Кўллар тизимига ташриф буюрувчиларнинг хавфсизлигини таъминлаш мақсадида рекреацион кўллар худудида кутқарув бригадасини ва унинг фаолиятини ташкил этиш, бунда:</p> <p>белгиланган тартибда пляж зоналари ташкил этилиши учун жавобгарликни ташкилот раҳбари зиммасига юклаш; сув сатҳидан қатъи назар, сув акваториясига туташ худуд, шунингдек, сув сатҳи чизигидан 100 м доирадаги сув юзаси участкаси соғломлаштириш ва спорт мақсадлари ёки фуқароларнинг дам олиши учун мўлжалланган сув хавзаларидан фойдаланадиган ташкилотларнинг жавобгарлик зонаси ҳисобланишини белгилаш.</p>	Фавқулодда вазиятлар вазирлигинг бўйруғи	2022 йил июнь	Фавқулодда вазиятлар вазирлиги, “Айдар-Арносой кўллар тизими” МЧЖ, манфаатдор вазирлик ва идоралар
5	Қозоғистон Республикасининг “Чордара” сув омборидан кўллар тизимига сув ташлаш юзасидан Ҳукуматлараро ишчи гуруҳ тузиш чораларини кўриш.	Ташкилий тадбирлар	2022 йил	Сув хўжалиги вазирлиги, Ташқи ишлар вазирлиги
6	Кўллар тизимига ирригация тизими каналлари орқали ҳар йили кўшимча сув ташлаш чораларини кўриш.	Ташкилий тадбирлар	Ҳар йили жадвал бўйича	Сув хўжалиги вазирлиги, Жиззах вилояти ҳокимлиги,

Т/р	Тадбирлар номи	Амалга ошириш механизми	Ижро муддати	Масъул ижрочилар
7	<p>Кўллар тизимидаги сувнинг аниқ ҳажмини аниқлаш учун ботиометрик ўлчовлар ўтказиш. Кўллар тизимида сув ташловчи сув хўжалиги объектларида сувнинг ҳисобини юритишни рақамлаштириш.</p> <p>Кўллар тизимида қўшимча гидрологик ва бошқа кузагув пунктларини ташкил қилиш.</p>	Чора-тадбирлар дастури	2022 йил май	<p>Навобий вилояти ҳокимлиги</p> <p>Сув хўжалиги вазирлиги</p> <p>Гидрометеорология хизмати маркази, Экология ва агроф мухитни муҳофаза қилиш давлат қўмитаси, Фанлар академияси</p>
8	Кўллар тизимининг рекреацион зоналар ҳудудларида ҳосил бўладиган маиший оқова сувларни олиб чиқиш ва зарарсизлантириш учун унга энг яқин бўлган маиший оқова сувларни тозалаш иншоотларига олиб бориш ёки оқова сув тозалаш иншоотларини қуриш юзасидан таклиф тайёрлаш.	Таклиф	2022 йил июль	<p>“Ўзсувтаъминот” АЖ, Экология ва агроф мухитни муҳофаза қилиш давлат қўмитаси, Жиззах вилояти ҳокимлиги, Навобий вилояти ҳокимлиги</p>
<b>II. Айдар-Арнасой кўллар тизимида балиқчиликни ривожлантириш</b>				
9	<p>Кўллар тизимида балиқ захирасини кўпайтириш, бунда:</p> <p>Арнасой сув омборида балиқ овлашга бир йилга мораторий эълон қилиш;</p> <p>мораторий даврида балиқ овлаш ҳолатлари аниқланганда, овланган балиқларни меҳрибонлик уйларида, боғча ва мактабларга тарқатиш;</p>	<p>Чора-тадбирлар дастури</p> <p>Ташкилий тадбирлар</p>	<p>2022 йил апрель</p> <p>2023 йил 1-апрелга қадар</p>	<p>Экология ва агроф мухитни муҳофаза қилиш давлат қўмитаси, Ички ишлар вазирлиги, “Айдар-Арнасой кўллар тизими” МҶЖ</p>

Т/р	Тадбирлар номи	Амалга ошириш механизми	Ижро муддати	Масъул ижрочилар
	кўлни ов қилиш қуролларидан тўлиқ тозалаш; мелиорация ишларини амалга ошириш.		Ҳар йили жадвал бўйича	“Айдар-Арнасой кўллار тизими” МЧЖ
10	Маҳаллий аҳолини доимий иш билан таъминлаш мақсадида “Айдар-Арнасой кўллار тизими” МЧЖнинг “Балиқ ишлаб чиқариш” мажмуасини барпо этиш учун Айдар-Арнасой кўллار тизимининг “Тузкон” худудидан 50 гектар ер майдонини белгиланган тартибда ажратиш. “Балиқ ишлаб чиқариш” мажмуаси таркибидаги ер участкаларининг кадастр хужжатларини белгиланган тартибда расмийлаштириш.	Жиззах вилояти хокимининг қарори  Ташкилий тадбирлар	2022 йил май  2022 йил сентябрь	Жиззах вилояти хокимлиги, Сув хўжалиги вазирлиги, Қишлоқ хўжалиги вазирлиги  Кадастр агентлиги, Жиззах вилояти хокимлиги, “Айдар-Арнасой кўллар тизими” МЧЖ,  Транспорт вазирлиги, “Худудий электр тармоқлари” АЖ, Жиззах вилояти хокимлиги, “Ўзсувтаъминот” АЖ
11	“Айдар-Арнасой кўллار тизими” МЧЖ томонидан овланган балиқ турларининг доимий савдосини ташкил этиш учун деҳқон бозорларида енгил конструкцияли балиқ сотиш нуқталари ажратилишини таъминлаш.	Ташкилий тадбирлар	Мавсум давомида	Тошкент шаҳар хокимлиги, Жиззах вилояти хокимлиги, Самарқанд вилояти хокимлиги,

Т/р	Тадбирлар номи	Амалга ошириш механизми	Ижро муддати	Масъул ижрочилар
<b>Ш. Кўллар тизимида туризм салоҳиятини ривожлантириш учун қулай шарт-шароитлар яратиш</b>				
12	Кўллар тизимининг “Тузкон” кўли қирғоғи бўйлаб велосипед, квадроцикл, от ва туяда сайр қилиш ҳудудларини ташкил қилиш.	Чора-тадбирлар дастури	2023 йил апрель	Жиззах вилояти ҳокимлиги, Туризм ва маданий мерос вазирлиги, “Айдар-Арнасой кўллар тизими” МЧЖ
13	Кўллар тизимининг туристик салоҳиятини кўрсатувчи тарғибот материаллари асосида хорижий давлатларда ташкил қилинадиган туристик ва бошқа тадбирларда тақдимотлар ўтказиш.	Амалий чоралар	Йил давомида	Туризм ва маданий мерос вазирлиги, Жиззах вилояти ҳокимлиги, “Айдар-Арнасой кўллар тизими” МЧЖ
14	Кўллар ҳудудида қайта тикланувчи энергия манбаларидан самарали фойдаланиш.	Чора-тадбирлар дастури	Йил давомида	“Худудий электр тармоқлари” АЖ, Жиззах вилояти ҳокимлиги, “Айдар-Арнасой кўллар тизими” МЧЖ, Экология ва атроф муҳитни муҳофаза қилиш давлат қўмитаси, Ўрмон хўжалиги давлат қўмитаси



Т/р	Тадбирлар номи	Амалга ошириш механизми	Ижро муддати	Масъул ижрочилар
15	Кўллар тизими атрофида 2 км масофа кенглигида чорвачилик билан шуғулланишга мораторий ўрнатиш.	Чора-тадбирлар дастури	Доимий	Экология ва агроф мухитни муҳофаза қилиш давлат кўмитаси, Ўрмон хўжалиги давлат кўмитаси, “Айдар-Арнасой кўллар тизими” МҲЖ
16	Кўллар тизими атрофида туристик зоналар ташкил этиб, сув акваторияси ҳудудларини бириктириш.	Чора-тадбирлар дастури	Доимий	Сув хўжалиги вазирлиги, Туризм ва маданий мерос вазирлиги, Ўрмон хўжалиги давлат кўмитаси, “Айдар-Арнасой кўллар тизими” МҲЖ
<b>IV. Кўллар тизимида назорат тизimini ривожлантириш</b>				
17	<p>Кўллар тизими акваториясини муҳофаза қилиш ҳамда ғайриқонуний ов қилишнинг (браконьерлик) олдини олиш мақсадида:</p> <p>Вазирлар Маҳкамасининг 2017 йил 3 мартдаги 124-сон қарори билан тасдиқланган Айдар-Арнасой кўллар тизими участкаларини балиқ овлаш хўжаликлари тасарруфига бериш ҳамда sanoat балиқ овлашини амалга ошириш тартиби тўғрисидаги низомни қайта кўриб чиқиш ва такомиллаштириш;</p> <p>“my.mehnat.uz” электрон манзилида идентификация қилинган ҳамда Экология ва агроф мухитни муҳофаза қилиш давлат кўмитасининг “Эконазорат” ахборот</p>	Таклиф	2022 йил май	Экология ва агроф мухитни муҳофаза қилиш давлат кўмитаси, Ички ишлар вазирлиги, Давлат солиқ кўмитаси, манфаатдор вазирлик ва идоралар

Т/р	Тадбирлар номи	Амалга ошириш механизми	Ижро муддати	Масъул ижрочилар
	<p>тизимда қайд этилган шахсларга балиқчилик гувоҳномасини электрон шаклда расмийлаштириш; саноат мақсадида балиқ овлашни самарали назорат қилиш мақсадида овланган балиқ миқдори ва турларини “Эконазорат” ахборот тизими орқали шаклландирган ва солиқ органларига интеграцияланган электрон юк хатини расмийлаштириш орқали қайд этиш ҳамда реализация қилиш тизимини жорий этиш юзасидан норматив-ҳуқуқий ҳужжатларга ўзгартириш ва қўшимчалар киритиш бўйича таклиф тайёрлаш.</p>			
18	<p>Жисмоний ва юридик шахслар томонидан кўллари тизимида саноат усулида балиқ овлашга жорий этилган мораторийга риоя этилиши бўйича назорат тадбирларини амалга ошириш, бунда:</p> <p>браконьерлик ҳолатларини аниқлаш ва уларнинг олдини олиш, ҳуқуқбузарларни жавобгарликка тортиш чораларини кўриш;</p> <p>кўллари тизими акваториясида патруль хизматини олиб бориш;</p> <p>сувдан тўрларни ва ов қилиш қуролиларини йиғиб олиш;</p> <p>назорат постларида автотранспорт воситаларини кўздан кечириш.</p>	Ташкилий тадбирлар	2023 йил 1 апрелга қадар	Экология ва агроф муҳитни муҳофаза қилиш давлат қўмитаси, Ички ишлар вазирлиги
19	<p>Экология ва агроф муҳитни муҳофаза қилиш қўмитаси ҳузуридаги Экология ва агроф муҳитни муҳофаза қилиш инспекциясининг юридик шахс мақомига эга бўлмаган Айдра-Арнасой кўллари тизими бўлиминини ташкил этиш.</p>	Экология ва агроф муҳитни муҳофаза қилиш давлат қўмитасининг бўйруғи	2022 йил апрель	Экология ва агроф муҳитни муҳофаза қилиш давлат қўмитаси, Молия вазирлиги,

Т/р	Тадбирлар номи	Амалга ошириш механизми	Ижро мuddаги	Масъул ижрочилар
	Арнасой кўллари тизими бўлимининг моддий-техник базасини шакллантириш, шу жумладан, дронлар билан таъминлаш.	Ташкилий тадбирлар	2022-2023 йиллар	Иқтисодий тараққиёт ва камбағалликни қисқартириш вазирлиги

**“Айдар-Арнасой кўллар тизими” масъулияти чекланган жамиятининг  
моддий-техник базасини шакллантириш учун сотиб олинган  
моддий-техника воситаларининг  
РЎЙХАТИ**

(млн сўм)

Т/р	Моддий-техника воситалар номи	Сони	Дастлабки қиймати*	шу жумладан:		Молиялаштириш манбаи
				2022 йил	2023 йил	
1	Экскаватор	2	3 270	1635	1635	“Айдар-Арнасой кўллар тизими” МЧЖга Давлат солиқ қўмитаси махсус жамғармаси ҳисобидан бериладиган беғараз молиявий кўмак маблағлари ҳисобидан
2	Бульдозер	2	2 180	1090	1090	
3	Юк ташувчи ISUZU русумли автотранспорт	2	872	436	436	
4	ISUZU русумли автобус	2	545	272,5	272,5	
5	“Ман” юк машинаси (18 тонналик)	4	4 360	2 180	2180	
6	Юклагич	2	1 090	545	545	
7	Йўлтанламас автомашина	2	763	381,5	381,5	
8	“Нива” автомобили	4	872	436	436	
9	“Арион” ер ҳайдаш трактори	2	1 090	545	545	
10	“ТТЗ 80” русумли трактор	2	872	436	436	
11	Грейдер	1	872	436	436	
12	Треллер	2	2 180	1 090	1090	
13	“Казанка М5” двигателли 40-60 қайиқлар	5	817,5	408,8	408,8	
14	“Амур” двигателли 40-90 қайиқлар	5	817,5	408,8	408,8	
15	“Прогресс” двигателли 40-60 қайиқлар	5	1 090	545	545	
16	Эхолот	2	21,8	10,9	10,9	
17	GPS мосламалари	47	102,4	51,2	51,2	
18	Хизмат автотранспорт воситаси**	4	654	327	327	
<b>Жами:</b>			<b>22 469,2</b>	<b>11 234,6</b>	<b>11234,6</b>	

\*) Тендер ёки танлов савдолари натижаларига кўра аниқлик киритилади.

\*\*) Ўзбекистонда ишлаб чиқарилган автотранспорт воситалари назарда тутилади.



Вазирлар Маҳкамасининг  
2022 йил 26 мартдаги \_136-сон қарорига  
3-илова

**Айдар-Арнасой кўллари тизимидан самарали фойдаланиш,  
экологик ҳолатни яхшилаш, сув сатҳини барқарор сақлаш, сув билан  
таъминлаш ва шўрланиш даражасини камайтириш бўйича  
республика ишчи гуруҳининг**

**ТАРКИБИ**

1. Ш.М. Ғаниев – Ўзбекистон Республикаси Бош вазирининг ўринбосари, *ишчи гуруҳ раҳбари*
2. Ш.Р. Хамраев – сув хўжалиги вазири, *ишчи гуруҳ раҳбарининг ўринбосари*
3. Н.Н. Обломуратов – Ўзбекистон Республикаси Экология ва атроф муҳитни муҳофаза қилиш давлат қўмитаси раиси, *ишчи гуруҳ раҳбарининг ўринбосари*
4. И.Ю. Абдурахманов – инновацион ривожланиш вазири
5. Ш.Ж. Тешаев – қишлоқ хўжалиги вазирининг биринчи ўринбосари
6. И.И. Норкулов – иқтисодий тараққиёт ва камбағалликни қисқартириш вазирининг биринчи ўринбосари
7. О.З. Насритдинходжаев – молия вазирининг биринчи ўринбосари
8. *Лавозимга кўра* – фавқулодда вазиятлар вазирининг биринчи ўринбосари
9. У.А. Аъзамов – туризм ва маданий мерос вазирининг биринчи ўринбосари
10. С.А. Нишонбоев – ички ишлар вазири ўринбосари
11. Ш.Ж. Рахимов – Бош прокурор ўринбосари (келишувга кўра)
12. Э.А. Салиев – Жиззах вилояти ҳокими
13. Н.Т. Турсунов – Навоий вилояти ҳокими
14. Ғ.Ғ. Мирзаев – Сирдарё вилояти ҳокими
15. Б.С. Юлдашев – Фанлар академияси президенти
16. Ш.Х. Хабибуллаев – Гидрометеорология хизмати маркази бош директори
17. У.М. Мустафоев – “Худудий электр тармоқлари” АЖ бошқарув раиси
18. А.Б. Ўразкелдиев – Ирригация ва сув муаммолари илмий-тадқиқот институти директори в.б.
19. Х.Х. Ишанов – Вазирлар Маҳкамасининг масъул ходими, *ишчи гуруҳ котиби*

**Изоҳ.** *Ишчи гуруҳ аъзолари бошқа ишга ўтган тақдирда, унинг таркибига ушбу лавозимга янгидан тайинланган ёки тегишли функцияларни бажариши зиммасига юкланган шахслар киритилади.*